

度

支

奏

議

度支奏議目錄

堂稿十四卷

查報未運米數并計竣事日期疏

題報京通二倉掃積羨餘疏

恭報轉運凍糧事竣疏

三懇 天恩速賜視斥疏

薊鎮兵丁行月兼支疏

餉司何朝宗被逮認罪疏

遵 旨回奏補還帑銀疏

覆查工部軍器錢糧疏

覆訂例款以便開納疏

題解宣大山西三鎮撫賞銀兩疏

題繳屯蓋 聖諭疏

請發二部事例輪月會覈疏

酌議預徵京邊不得重累窮民疏

題欽奉 聖諭速發五月兵餉疏

覆雲鎮援兵安家行糧并募造銀兩疏

關兵月餉速給設法陸運疏

修書司官遴選補題疏

禁章閘壩需索加耗獎冒疏

上傳漕糧身爛成塊回奏疏

叅司官劉賜桂催餉徑歸疏

請責成京卿催完額餉疏

覆科臣祝世美逆產入官與屯課租疏

度支奏議卷之十四

太子少保戶部尚書淄青畢自嚴視草

查報未運米數并計竣事日期疏

題爲查報未運米數并計竣事日期仰乞

聖鑒事崇禎三年三月二十六日該臣部具題爲恭
報轉運入京凍糧事奉

聖旨這運過糧數知道了現在未運的尚有若干計
何時可完查了來說欽此該臣等查得河干凍糧
收斂於務關武清城內并窖藏於楊村蔡村河

千者大都一百餘萬已經節次運入京倉通糧
共計八十餘萬其見在武清楊村等處尚約有
二十五萬內除武清縣原貯米四萬六千三百
石零就近留運薊鎮充餉此外楊蔡兩村僅存
二十萬耳及查道里漸遠水陸並運每日計程
僅可運米一萬一二千石則此二十萬之米或
可於本月十五日內外竣事矣惟是新運漕糧
已到務開通灣其各剝船觀望延捱俱不免有
趨新厭舊之意倘再遲疑時刻將舊運何時報

完臣誠鯁鯁然慮之近據查催漕糧員外郎朱
萬年議將南來新糧責令領運官旗督押毋船
務須抵壩候剝其河剝船戶必埃凍糧盡完方
准照舊於紅廟地方交卸不許希與新運耽擱
舊糧其言甚爲中窾該臣已劄通廳務開如議
行矣仍劄郎中喻思澣顯在楊村蔡村裝運米
石員外郎朱萬年顯在務關通灣催僨船車務
刻期報竣以仰慰我

皇上宵旰之憂卽州縣車戶以農忙告苦臣亦未敢

寬假卽陸運脚價每石費至三錢以上者亦不
敢顧惜必竣凍糧槩行登庾然後盡罷輪蹄而
獨事舟楫耳再查天津漕米除奉

旨截留彼中海運外其應運京通者尚計四十六萬
餘石業經題奉

欽依責成津門徑運抵通合令津門部院司道一力
擔承想諸臣同心體

國必不後於臣部也所需一應脚價銀兩臣部不
敢失時悞事通計兩次已發過銀一萬七千兩

餘埃續發及查運過米數據督餉道張志芳等
報稱三次發過米五萬五千六百五十石此自
津發運之數也據郎中丁流芳報稱接次運到
京倉米二萬七千七百六十九石一升此自滬
入京之數也餘米見運未到緣程途寫遠故轉
輸維艱其時日尚難預計是須仰藉

天語再行申飭津門經管諸臣多寡民船星速裝運
少俟通務凍糧完日臣部再行設法催僨蓋必
津門之轉輸通完而後凍糧之全局始結庶不

致上煩

聖慮耳臣部誠不敢不竭蹶以趨矣臣等無任悚息
待

命之至

崇禎三年四月初四日具

題本月初六日奉

聖旨這查報未運米數知道了新糧已到的督押
場剝船且積舊運快完日方准卸新津米着經
官募運至京俱依議行欽此

題報京通二倉掃積羨餘疏

題爲遵例歲報積羨之餘以紀成勞以飭後效事
案查臣部司屬奉委管理京通倉庫有掃積羨
餘銀米數多者及京通二廳職司收運歷有績
績題叙紀錄節奉

欽依成例具在今照崇禎二年分應叙各官除太倉
銀庫先經臣等題議充支之法一切羨餘等項
盡行禁革奉有

俞旨欽遵在案竝報滿日另行考覈惟司庫各官

等望其繁已奉公每每動色相戒而各守其節
冰霜自砥拮据爭先輝急公愛

國之苦心盡潔已輸忠之實用在微臣以人事務
之義可幸借手圖報而與人爲善之誼有不容
盡泯其勞者如京糧廳主事趙建極通糧廳郎
中丁流芳舊太倉主事實星海運倉主事朱萬
年祿米倉主事喻思慥追比完銷米豆掃積餘
米數目業於差滿考滿之日已經臣等考覈具
題移咨紀錄無容再叙其見任祿米倉主事那

恭吉亦苦心節嗇但所司出納者強半係官吏俸糧故掃積無幾不敢併行開列少缺差滿另爲考覈其中有未經考覈而掃積數多者臣等不敢泯沒賢勞謹附崇禎二年顛題之末應入循例紀錄之內一併據實奏

聞以彰諸臣忠公節省之忱伏乞

聖明准將積羨餘米收入各倉作正支銷仍將各官俯准移咨吏部紀錄以酬成勞而責後効其於軍儲國計兩有裨矣

計開

南新倉陸任主事張朝綱自崇禎二年正月
月起至六月終止共積出餘米六千一
百五十石及查本官自崇禎元年二月
二十七日接管倉務起至崇禎二年七
月十九日陸授本部山東司員外職止
共一年零六箇月積出餘米共一萬七
千五百二十一石三斗四升九合

見任主事張堪自崇禎二年七月起至崇

年十二月終止積出餘米七千三百六十四石六斗

北新倉員外郎鄭抱素自崇禎二年九月初三日起至本年十二月終止積出餘米六千八十四石四斗二升

通州大運西倉陳任郎中楊應震自崇禎二年正月起至六月終止積出餘米五千八百三十石六斗及查本官自天啓七年四月十三日接管倉務起至崇禎

二年四月二十三日
郎中止共二年一箇月
二千一百一十七石

崇禎三年四月初七日具

題本月初十日奉

聖旨這各倉積羨餘米作入正數支銷張朝綱等
與紀錄欽此

恭報轉運凍糧事竣疏

題爲恭報轉運凍糧事竣以慰

聖懷事據監督起運凍糧本部山西司郎中嶽思慥
會同通糧廳本部雲南司郎中丁流芳管理河
西務鈔關本部陝西司主事劉孔敬揭報自正
月初五日題報起至今止水陸二項共運過京
倉平米八十二萬六千一百八十八石五斗七
升一合一勺八抄共運過通倉米六萬一千八
百二石七斗八升共運過邊倉米五萬六千四

百七十石四斗六升七合三勺八撮又餉道張
志芳主事姬文郁共運過薊鎮米四萬四千九
百二十四石五斗留貯武清城內米四萬四千
八百五十一石一升五合見候運薊充餉總計
通共米一百三萬四千二百三十七石三斗三
升三合四勺八抄八撮又郎中丁流芳先報運
過薊鎮米一萬一千二百三十九石五斗續報
津運抵壩自通入京米三萬四千二百五十三
石一斗以上通共米一百七萬九千七百二十一

九石八斗四升三合四勺八抄八撮所有務關
及楊蔡等村守凍漕米俱已搬運告竣等因到
部該臣等會同總督倉場尚書臣孫居相看得
河干凍糧係軍

國之急需先因虜騎衝突臣等議令司官喻思愷
等冒險出京收斂附近城堡以保無虞嗣後屢
報雖緩剝運維艱臣等有心可嘔無計堪施幸
賴

天語申飭自動威厥監以及五城州縣同心體

國車畜併教民部又題差司官朱萬年往來各處
日無停晷今據揭報凍糧百萬俱已通完從
戈燧燧之餘獲崇禱比櫛之慶此皆上徽

皇上如天之廟之所致也而臣等溺職之罪亦可
以少逭矣除司官喻思慥丁流芳劉孔敬朱
年楊應震王忠孝等拮据運務夙夜靡寧以
刻期蚤竣又勳戚廠監以及五城州縣各官
出車畜或捐腳價共襄運事臣部亦另行
類奏紀錄獎勵外所有通完糧數日期相應

奏報仰慰

聖懷此後三日之報或可已矣至於天津漕米除奉
旨截留海運外其應運京通倉者尚計四十六萬餘
石內據天津司道已報發運過五萬五千六百
五十石其餘四十萬石有零業經臣部題奉

俞旨着令津門經管官募運至京竊念同爲王臣併
屬王事

明綸已有責成在津各官自是一力擔當無竢臣愚
之過慮也但逆奴未殄倉廩久虛倘此米一日

不完則漕局一日不結臣等敢宴然已乎其刑
價銀兩前已發過一萬七千兩今擬續發一萬
三千兩聽津門差官領回支用務在廣募民船
設法催僦早求集而止又查舊例曾借山東
遮洋二總空船協運今二總糧船次第將到此
時回空裝載新運似覺太蚤莫若暫留協撥津
門凍糧二三轉其運價照例給發庶舊運早竣
而新糧無悞矣

崇禎三年四月十一日具

題本月十三日奉

聖旨據報凍糧轉運已畢經管助運的都與紀錄獎
勸該部還通將一年總數尖平徹底清算具奏津
貯儻催速完立限與他洋船准留借用不得委悞

欽此

三懇 天恩賜褫后疏

奏爲

聖主鴻慈愈隆微臣病軀難效軍

國至重尸素堪羞三懇

天恩

速賜褫斥以無悞封疆鉅務事臣丁日再疏具奏爲
軍興黔枝已窮等事三月十八日奉

聖旨軍興浩費司計需賢卿殫力甚勞誠心幹辦一
應兵食方賴持籌何得輒有陳請該部知道欽此

該臣焚香跽讀感激涕零竊幸遭時
主卽葵藿微誠亦蒙

睿照不遺惟是三覆

明綸如謂殫力甚勞臣固不敢以勞爲言又謂司計
需賢臣又安敢以賢自居不賢而徒蔽賢者之
路徒勞而未收勞臣之益故前此不敢以病請
而惟以罪請耳乃臣則實病而病且甚矣臣之
病非陰陽偶值之病乃衰朽不支之病也臣之
病又非旦暮可起之病乃桑榆垂盡之病也

皇上亦知臣支離之近况乎痰嗽連綿不已飲食減
少異常步履徒次且而艱於前進跪拜將僵仆
而不能振起在私衷每自悚惶卽旁觀無不詫
異倘令四裔聞知不將笑

中國之無人乎至於心血枯槁眩暈健忘以致叢
脞差訛之事層見叠出卽欲極力振勵仰對我
皇上天高地厚之恩乃暮氣徒張真精已竭非但力
不從心究且心隨力耗而頽然自廢矣

皇上寬臣留臣無非以兵食浩費尚冀臣之持籌耳

臣豈不知疆場未寧

天恩未報、非臣子乞骸自便之時、而政惟此兵餉、方殷、幹辦無能、一日苟豫、妨才賢、一日之展布、一

日悞事、遣

君父一日之宵旰、誠百念迴環、而一息無容姑待者、也、故臣前疏中、卽以得請後、已明告之、

皇上矣、比者、心屬藁續圖入

告、適值祈禱齋宿、又聞虜氛復熾、逡巡退縮、未敢遂以委頓下情、瑣瀆

天聽不聞、勉支二旬、而殘軀愈加困憊、入夏以來、
勞火延上、目苦昏瞶、文移莫辦、耳苦重聽、人語
莫聞、神思憤亂、筋脉拘急、恰似氣血殆盡、而且
夕隕越者、此等光景、延喘未遑、何能持籌部務、
重大、寧堪廢閣、若臣明知悞

國而尚敢貪

恩戀棧、依徊不決、無論清議難容、

功令難寬、卽區區良心、豈能自昧乎哉、謹額手呼

天三申前請仰乞

皇上俯念兵餉之需責未易勝衰殘之久病非假
將臣

速賜褫斥另選精敏心計之臣刻期受事庶會計
而財用足軍

國大計實嘉賴之臣卽不能致身自効猶不失以
人事

君之微忱耳無任悚息待
命之至

崇禎三年四月十二日具

奏本月十五日奉

聖旨徵調紛紜度支繁劇賴卿殫力幹濟前旨已明
何得又有此奏所請不允工部知道欽此

薊鎮兵丁行月兼支疏

題爲兵丁行月不宜兼支乞

賜亟行申飭并懲姦胥驕軍以肅法紀事崇禎三年
四月十二日據薊州鎮糧儲郎中何朝宗呈准
賈布政手本爲比例請討行糧鹽菜事據撫院
標下健丁營中軍蕭耀呈稱各營官兵東援者
俱有行糧鹽菜獨本營未蒙詳示懇念一視同
仁等因又准賈布政手本謂薊道家丁調赴馬
蘭防禦亦猶撫院健丁之離密雲也倘給健丁

而不給道丁又非一視同仁之政乞將道丁之
在馬蘭者與標下健丁俱暫支行糧鹽菜統俟
事平停止庶餬口有資人人樂爲之用各等因
轉詳撫院蒙批標下健丁及道丁行糧鹽菜俱
如議支給事平卽停止繳又蒙總督軍門批道
丁行糧鹽菜既經撫院監軍詳允准照行繳等
因到道轉會到職准此爲照該道家丁先爲請
增鹽菜本職因不敢擅專業已具呈本部未蒙
批示今各健丁又奉總督軍門及撫院監軍詳

允而環索鹽菜行糧者亟如星火本職仍恪遵
部劄行月不得兼支之例而不敢發正本職適
莫難從者也惟是詳請本部應否准從懇乞
賜批示慰彼驕呼庶各丁遵奉部行而免本職
有吝發之罪也等因到部該臣部批道丁在馬
蘭危地者已准給鹽菜矣撫院健丁今在何處
其云離密雲者何也查報正在批發間適接
遼總督張鳳翼揭爲姦書騙索常規激軍聚討
事內稱本月十一日卯時職方料理文書忽傳

撫院募兵都司路騰龍稟見職命之入本官
新兵糧餉不接皆欲散去又云見今羣聚於餉
司之門職隨手書白牌一面遣旗鼓陳隆執令
箭往諭少頃報各兵見諭牌即散仍還信地守
城訖已而郎中何朝宗至職問其故云各兵初
六日投單初九日晚餉銀始到初十日先放舊
餉及遠路行糧而新兵及在城行糧以日暮未
及放完諭委官次日支領不意十一日有撫院
新募健丁到職衙門齊聲喊叫見本部院諭

始散切思後領之兵俱寂無一語獨新丁狂譟者中亦有故緣若輩以貧窶應募垂涎於行月兼支因本職申請部堂恐其不允故以羣聚要求耳不然初九日部銀始至僅隔初十之一日亦甚未遲延者何以遽至此乎總之本職調停無術無復面目以對各兵萬萬無再司餉之理也等因職隨傳該管官目詰責據領糧委官薛世禎同中軍千把總蕭耀王漢武王汝俊王汝龍稟稱本月初五日蒙發印准行糧鹽菜紅單

卽投餉司收訖有李書辦索規禮每百兩
十兩本營各官見各丁餉銀無存借招兵銀
十兩送至李書辦家嫌少不收當稟餉司必
呈詳大部允詳方准給發餉司卽出告示候
部詳允方給各丁一聞告示衆口嗷嗷各官
事迫卽借本營招兵銀每丁給二錢以濟目
下各官復赴餉司控稟將三月糧銀允借不
意復有李書辦男指稱薛書辦索規禮銀八
兩委宜薛世禎恐措遲延借銀四兩親送伊
家嫌少

受致各丁下城親赴餉司告討蒙憲令俱赴信地訖等因職惟年來衙役黷利走死地若鶩如薊鎮餉司之書辦幾經懲創而猶然覆轍相尋今書吏李同寅罔思城守之艱難弗念募兵之寒苦需求常例不厭不休以致大衆下城號呶求索姦書之罪於是不勝誅矣雖銀未入囊而啓爨固有自也相應提問以正厥辜至於餉司所處時極危地極險任極重事極難乃能拮据勤勞轉輸不匱蓋一時濟變之才也漁陽醜虜

爲鄰人多裹足本官成勞具在亦何須引咎
哉除爲首軍丁身以軍法究治外職謹同順天
巡撫許如蘭合詞上

請伏乞

勅下職等將姦書李同寅提問正法其餉司何朝宗
仍令盡心供職斷不宜借端弛擯使屬屬與弁
濟之臣也等因移揭到部該臣等看得該朝宗
著之兵給月餉而不給行糧遠方赴援之兵給
行糧而不給月餉此成例也卽間有行月兼支

如關寧等處之兵亦不過因其歷過之餉暫爲
通融予於此而扣於彼非有增於本分之外也
新經臣部題奉

明旨已申飭通行欽遵在案矣若夫薊州道丁調赴
馬蘭出死力以守危地情似宜恤臣部因督撫
之允而允之亦出偶然原藉以鼓舞此輩出死
力以報效

朝廷耳至於撫院標兵雖云繇密召募前赴薊州然
終不得稱客兵也且防守薊城坐糜

公帑與摧鋒禦敵者不侔宜餉司之力爲堅持必請裁於臣部也臣部於十二日方見詳文乃各丁於十一日已擅離城守聚呼司餉之門矣各雖討餉心實要挾幸督臣應變有方牌諭解散否則幾成鼓譟之禍奈之何哉至書役李同寅乘機需索難保必無自應置之於理以爲索詐者之戒若謂餉司聽從書役之稟而後呈詳是部乃營官藉以激上官之怒以飾其狂肆之罪耳兵丁貪黷何饜之有稍不遂意卽肆囂詬若

或置而不問則異日司餉之官必且悠悠忽忽誰肯力任勞怨爲

國家殫力清查主張此有限之財者而法紀漸滅盡矣臣請自今以後凡糧餉之應增者如行糧月糧之類該督撫不妨移會臣部裁定以便知會餉司奉行其撫院標兵應否兼支行糧并薊州道丁果否盡在馬蘭亦必酌議確當而後可以服衆仍祈

勅令督撫查明具奏并將爲首兵丁及書役李同寅

重加懲治庶獫狁不敢驕縱而狐鼠不敢橫行
矣相應題

請恭候

命下臣部移文薊遼總督并薊鎮餉司遵奉施行

崇禎三年四月十四日具

題本日奉

聖旨餉司書役已有旨了各兵應否兼支行糧該督
撫還確議具奏欽此

餉司何朝宗被逮認罪疏

奏爲微臣率屬無能餉司過執蒙咎謹束躬待罪
懇乞

聖明俯賜矜察并

勅道臣暫理餉務以無悞封疆事切照狡奴入犯援
兵四集司餉轉輸支應爲艱至理餉薊門尤難
之難者也驕兵懦將貪心無厭于應支月糧外
妄意又支行糧不知行月不許兼支臣部屢經
申飭奉有

俞旨其間有准支者惟關寧九邊諸兵于歷過應
月糧之內稍爲通融非本地之主兵可以援例
而巧索也如都司路騰龍部下健丁實係土著
之兵先討行糧餉司何朝宗不徇所請而必呈
詳臣部非特遵臣部之案劄實以奉

皇上之俞旨也不料憫不畏死之吏書乘機索騙而
本官亦不能早爲鈐束致兵士之喧譁誠無所
逃罪然所以使其措置失宜出納乖方者實
之罪也節

皇上不加督責而實曲貸於臣餉司原奉部文又將歸怨於臣臣復何顏以就列乎伏望

皇上慨賜譴斥以爲奉職無狀知人不明者之戒實臣所引分而自安也且餉司何朝宗旣奉

旨提問臣何敢置喙惟是本官數月成勞竊有可憫者在薊之援兵各邊堡之主客兵索折色索本色半年以來四面疾呼而竭蹶支撐者唯本官一人耳本官手口拮据形神俱瘁無日不以病請而臣每以大義相規勉前因本官功罪未明

一疏臣亟移書詔訪舊撫臣方大任新督臣鳳翼俱盛稱其有幹濟才是以臣部題議勉勵但本官執拗性成慢罵將士釀成罪端功與過原不相掩若矜其前勞而貸其後罪

雷霆雨露想在

皇上自有

宸斷而非臣所敢異望也復按薊鎮年來餉司借贖而不能竣事者已非一人陳調鼎以貪污敗君一奏以兵譁敗今何朝宗又蒙

嚴譴矣夫餉司原無彈壓之權不過一管鑰之官耳
餉銀亦非不涸之源不過一涓滴之流耳索餉
者不論例之應得與否志在取盈稍拂其意
謗作而禍卽隨之是薊餉一缺實爲陷窳之門
又誰肯以身嘗試者且該鎮主客官兵不下七
萬有奇支放殆無虛日例以上月之先後爲下
月之先後昨十一日呼譟以後督臣仍慰勉餉
司今於十三日再支放一次共放銀二萬五千
二百五十餘兩是日不論序之先後俱以必得

爲主餉司不敢出一語其景象大可駭異查其部從來餉銀隨到隨發當堂解委支兌務求準足正以防狡胥之作奸杜驕軍之藉口也今四月分餉銀尚未放完臣部近又解銀三萬兩餉司被逮誰爲支放當此軍興倥偬一日不可乏人非責成於該鎮兵道不可查從來兵餉支放其掛號文冊總聽憑道臣以治兵之官卽兼理餉則虛冒無所容奸一便也知兵之緩急而先後支發二便也諱兵要挾者立置之法三便也

况道臣賈克忠駐薊已久駕輕就熟尤屬易辦
當此軍興事孰大於餉者每月應支兵馬行月
糧銀若干俱聽督臣查明開送臣部臣部照數
解運道臣轉發無善於此者矣前此寺臣張潑
臺臣饒京俱有裁餉可以歸兵道之議夫法窮
則變而變則通此其時也如謂

祖制設官或不可以頓更臣部仍當擇人以往但臣
部所總總過慮者理煩治劇之才原不可以易
得倘用不得其人再干三尺則臣之罪戾益有

不可贖者矣實爲封疆計長久非爲一官計進退也除蕭藁待罪外臣愚曷勝悚息待

命之至

崇禎三年四月十八日具

奏本月二十日奉

聖旨何朝宗已有旨了該部籌邦率屬如此司官只合據法嚴叅何得代爲分過員缺着速催堪任的去該部知道欽此

遵 旨回奏補還帑銀疏

題爲遵

旨回奏并恭

進補還

帑銀事崇禎三年四月十八日司禮監太監朱晉
傳奉

聖旨戶部借過帑銀若干還過若干還欠若干開寫
清數來奏欽此欽遵該臣等查得往時

內帑充溢每遇軍餉缺乏卽蒙

皇恩沛發是以北顧莫怡之樂自是受事以來
皇仁屢布

內帑空乏未敢輕以沛發爲

請惟求暫借

進還除崇禎元年八月以前沛發

帑金不開外查臣部一次崇禎元年十月初五日
題爲京運三月不敷等事借發

帑金十萬兩爲關寧兵餉之用奉

聖旨內帑全未贏餘搜括十萬兩發充新餉外餘到

日照數補進欽此隨于本年十一月十八日將江西山東鳳陽解到銀五萬兩差新餉庫管庫主事薛邦瑞恭

進訖尚欠五萬兩未經補

進一次崇禎三年正月十四日臣部題爲庫藏萬分置之等事借用廣東解到金花銀五萬兩河間真定二府解到子粒銀一萬八千一百七十四兩一錢八分一釐二毫七忽四微尅織爲宜大撫賞及薊鎮兵餉之用奉

聖旨遣解到金花等項銀兩准暫借用欽此
年二月十四日差新舊二庫主事陳觀陽
熙照數恭

進通完訖一次崇禎三年正月二十六日臣部題
爲急快援兵及主客兵錢糧等事借發

帑金五萬兩爲開寧兵餉及宜大撫賞之用奉

聖旨所請借帑始權宜暫發五萬兩欽此續於本年
三月初一日該前遼總督張鳳翼題

請犒賞銀兩奉

聖旨這所請賞功銀兩着戶部於以前借過帑銀內速解發二萬兩應用欽此臣部隨差官李縉將應還原借

帑銀內解交二萬兩訖又於三月十九日該總督張鳳翼巡撫許如蘭監軍吳阿衡題爲奴計益堅等事內請賞功銀兩緣緣奉

聖旨戶部於借過帑銀內再發三萬兩應用欽此遵將應還帑銀措發三萬兩給兵部差官高則益解交訖是總算臣部原借

內帑并金花等銀共二十一萬八千一百七十四兩一錢八分一釐二毫零除

進還過一十六萬八千一百七十四兩一錢八分一釐二毫零外尚欠元年銀五萬兩茲五萬者臣等原欲隨借隨還不意遼餉日急外解不充以致濡滯月日臣每念及此不啻芒刺之在背也去年更定經制稍可支持日望外解漸充庶幾那湊補

進以完前件不謂狡奴入犯軍餉倍殷復致逡巡

實時勢危迫所致非臣等敢故爲延緩也茲幸
伏

皇上之威靈藉

天語之申飭京卿守催惟謹外解漸次鱗集雖關寧
之月餉尚缺援兵之行糧不貲疾呼叠至供應
如流卽盡外解之所入不足以供行月之所出
然而視之疇昔亦少足支撐目前矣言念

皇上內供所需尤爲喫緊臣又安敢久稽

天府之珍藏而不曲爲那湊哉謹照數恭

進理合具本題

知

崇禎三年四月二十日具

題本月二十一日奉

聖旨這未還帑銀已有旨發關寧賞功着速解去該
衙門知道欽此

覆查工部軍器錢糧疏

題爲查明料價錢糧遵

旨回奏事崇禎三年三月二十五日伏蒙

御前發下紅本該本部題覆前事奉

聖旨據奏各省直軍器錢糧該部既無額派又不備
徵奉旨查明江南止憑賦役全書江北并無書可
憑顯是兩部互諉以致拖欠相仍以後作何稽覈
着與工部確議具奏欽此欽遵臣等捧讀之下不
勝隕越悚息隨該咨會工部確議去後續惟該

部議補軍器一項原係年例額需裁續
解相沿前奉

旨備考逐年積案止有旨直衛所解納本折數目並
無開載動支銀兩款項無從核實故覆

請於戶部查確亦爲計部握其財賦之總而詳明
勅課派之源速欲明於

皇上傳宣之旨似不敢互爲推諉於戶部也今既查
明全書無載今冊不開兩部斷不能考其的確
相應咨會題請通行各省直查照歷年舊例

一詳開項款數目明晰報部刊刻成書進呈

御覽奉

旨永爲定案不致混淆庶錢糧得以清楚而催辦亦
有專責矣等因到部該臣等看得軍器錢糧查
據工部疏內開列省直衛所解納軍器等項夫
應辦之省直衛所則其地也而應解納之軍器
數目則其款項也皆工部之職掌也至於省直
衛所應解本色折色各若干在該部原有額設
卽折色或應改本色本色或應改折色亦聽之

該部主持耳工臣止以一時倉卒無從核實履
請之臣部意旁求之而可得者乃臣再四搜閱積案
自賦役全書外委無可稽卽據賦役全書亦多
掛漏蓋緣軍器分派肇自

國初一切本折既定之後在內則工部自爲職掌
在外則省直衛所自爲奉行皎若分畔卽臣部
原未嘗每歲通行會計頒布天下也間有撫按
疏

請另項錢糧等項或有講求裒益要亦于百中之

二耳如謂省直賦役事事載於臣部卽汗牛充棟或不能勝恐日亦不給矣目今軍器本折不可無稽合如工臣之議聽該部移文各省直轉行各該衙門遞流求源逐款查明勒限立報仍聽該部刊書

進呈用垂永久於以昭

中興之盛舉可按圖而索噐見民力之普存無苦窳而有利賴矣至於臣等犬馬私衷急公矢念苟

利

社稷周恤髮膚萬萬不敢推諉且當此夫馬逼
切軍器臣等視之何異手足之捍頭目方
之不暇而安敢萌一推諉之念也伏乞

勅下工部徑自移文稽覈施行

崇禎三年四月二十日具

題本月二十二日奉

聖旨軍器係工部職掌錢糧亦應并歸查核着即行
文各省道將歷年款項勒限報部以便催徵欽此

覆訂例款以便開納疏

題爲覆訂例款仰祈

聖裁以便開納事照得事例款項該臣等節奉

明旨前已合疏入

告恭候

鑒裁何敢再瀆且等項接輔臣公劄仰體我

皇上軫念軍興繁費勤思招揀而又慮及輸貲者濫

觴恐以取償厲民以龐雜礙選蓋本愛人之心

爲生財之道慎名惜器與足

國裕用無一不圖迥於

聖衷也輔臣等謂具等所上劄款仍宜詳加釐訂

續再呈臣等復簡簡冊會冢臣於

朝房詳加翻閱再四審確諸例原係工部起草彼
時高自用窳射無復之人途不厭其廣雖經冢
臣刪正然尚有與戶部奉

旨原行事例相侷者大同小異者見在遵行似不必
更載又通判一官古稱半刺秩在州邑之上不
宜入貲輒拜更不可以襍途濫竽卽內有已經

加納上選者許其照例改加京外職官似爲長
便又准貢一途初猶止許食廩年深者上納後
漸及增附俊秀甚且襍流改監儒監儒改准貢
宜禁絕無復開其已納者自三司首領而下聽
其考選加援可矣又近來債帥爲崇不問騰飽
而管谿壑坐令士耗於伍備弛於邊天下脊脊
多故今畧智勇而就輸納恐豪傑之士解體亦
去之便又外官加銜體統混淆及額缺少而援
納多與夫計貲陞轉等款恐積薪滋擾而官評

無權將使人以賄聞故應刪削以清銓法
又省祭一途往日多借効勞名色竟致員缺
銓部徹底澄清務必實歷三考始行取選
考者補納銀四十兩具見家臣急公憂

國之忠其法至善宜載入例款中又廩增附不入
監而額加各官者合照監生加徑選各官例
別加監歷銀數以廣援納但就中有原非廩
附而捏稱者除發咨外仍須移文提學院道
明用杜假偽之途其餘悉照前冊惟是臣等

籌無術致厯

君父焦勞裕

國有心僅此撫拾條件俾

堯舜之主竟扼腕於富強之莫効也臣等之罪滋深
而心滋愧矣謹以覆訂例款恭呈

御覽伏乞

俯賜裁定

勅下臣等遵奉施行

計開

一推陞未任三司首領州同等官加

兩殿中書併京外各官例

推陞未任三司斷事經歷理問都事加

文華殿中書銀一千五百兩加

武英殿中書一千兩加光祿寺署正運副提舉各

六百兩加光祿寺署丞副兵馬各三百五

十兩

監正署丞州判衛經歷加

文華殿中書銀二千兩加

武英殿中書一千五百兩加運副提舉各九百兩

州同加

文華殿中書銀一千五百兩加

武英殿中書一千兩加運副提舉各六百兩

以上俱要行查明方准送納完日咨送

吏部中書徑題試職准差運副提舉等官

上卯徑選

一

兩殿中書加試職實授并服色例

兩殿中書曾經食糧願加試職試職加實授各

銀五百兩

兩殿中書三年考滿後願加服色仍在

殿効勞七品加正六品納銀二百兩加正五品納

銀三百兩查明送納完日咨吏部題授

一

兩殿中書并各官加銜例

兩殿中書曾經歷俸願加部寺空銜者自正七品

起至正五品止從七品加正七品納銀三

百兩正七品加正六品納銀四百兩正六
品加正五品納銀六百兩如恩歲貢生監
儒履歷者查明方准告納咨送吏部照品
題覆不准加俸

一已選光祿寺監事兵馬司吏目加本寺署
丞及副兵馬職銜例

已選光祿寺監事加本寺署丞職銜仍管
監事納銀二百五十兩仍支原官俸糧

已選兵馬司吏目加副兵馬職銜仍管吏

目事納銀二百五十兩仍支原官俸

一加納運副例

恩歲貢加運副銀一千二百兩滿實加銀

一千三百兩監生加銀一千五百兩

候選運判加運副銀七百兩提舉加銀九

百兩

候選斷事經歷理問都事州同加運副銀

一千兩監正州判署丞衛經歷加銀一千

二百兩

兩殿見任序班職銜辦事中書舍人繇監儒履歷
者加運副銀八百兩

一加納運判例

恩歲貢加運判銀一千兩准貢加銀一千
一百兩監生加銀一千二百兩恩歲貢考
定州同加運判銀五百兩州判加銀五百
五十兩經歷縣丞加銀六百兩主簿加銀
七百兩

兩殿見任序班職銜中書繇監儒履歷加運判銀

六百五十兩

一加納州判例

候選京衛經歷改加州判銀三百兩也
減銀八十兩

京衛經歷考滿加州判銀二百三十兩外
衛經歷加銀四百兩如六年考滿各減銀
一百兩

已選府照磨知事州吏目加州判銀四兩

兩

見任鳴贊序班加州判銀三百兩

已選主簿加州判銀四百兩縣丞加銀二百兩

以上各款俱要查明完納咨送吏部挨選
一恩歲副榜貢監已經考定并援納各官在
部候選納銀拔選例

恩歲副榜貢生考定外府判納銀五百兩
州同四百兩州判二百五十兩經歷縣丞
各二百兩主簿一百八十兩

續文獻通考 卷一百一十五
一
授納各省願加者照恩歲貢考定例各通
加銀七百兩如恩歲貢生監儒方准告納
以上俱要查明考素先狀方准送納完日
咨送吏部准選

一 授納考中候選州縣佐貳等官挨選不前
願降納各官卽選例

州判降縣丞納銀二百五十兩降主簿納
銀二百兩降州吏目一百五十兩降典史
一百二十兩

縣丞降主簿納銀二百二十兩降州吏目

一百八十兩降典史一百三十兩

主簿降州吏目納銀一百五十兩降典史
一百三十兩

州吏目降典史納銀一百三十兩

以上行查明白方准送納完日咨送吏部

揆選

一已選未任倉巡驛遞間壩等官及見在點
卯願加府首領縣佐貳卽選例

加外縣縣丞納銀三百五十兩府經歷
百兩主簿照磨各二百五十兩典史州吏
目各二百兩

加外府州縣稅課等局大使納銀一百五十兩

一納定京外各官在部候選不前納銀卽選
例

運副提舉各納銀八百兩運判六百兩

監正署丞光祿寺署正副兵馬京府經歷

兼縣丞提舉鹽運司經歷知事三司首
領各納銀五百五十兩州判納銀三百兩
京衛經歷京縣主簿各納銀三百兩外府
首領縣佐貳各納銀二百四十兩
吏目納銀二百兩典史一百五十兩

一
以上查明完狀送納完日咨送吏部揆選

內閣辦事翰林院帶俸經歷光祿寺署丞所正改
各官例

加運判正提舉各納銀八百兩州同六百
兩五城副兵馬州判各五百兩布按二員
經歷布政司正理問各四百兩如係監備
出身方許准納

以上查明送納完日咨送吏部揆選

一俊秀子弟援納各官例

納外縣縣丞銀八百兩主簿七百兩吏目
六百兩典史四百五十兩

納軍器局并兩京草場大使及巡簡外衛

所吏目各納銀二百八十兩

納倉場驛通河泊開壩等官各納銀二百
二十兩

以上各款告部取結查明納完咨送吏部
上卯揆選

先年有監儒係

內閣劾勞咨送府判者槩不准選今許納改京外
官例

改納光祿寺署丞京府經歷京縣縣丞管

繕所所正副兵馬各納銀四百兩運判正
提舉各納銀八百兩州同布按二司經歷
各納銀四百兩京縣主簿布政司正理問
州判各納銀三百兩

以上行文查明方准送納完日咨送吏部
揆選

一吏部議增例欵

一貢監已經加納運判鹽課市舶提舉在部
點卯未經取選者兩淮納二千兩餘缺納

銀一千五百兩完日咨送吏部拔選

一効勞徑題冠帶省祭不論已未選各官俱
未經實歷者每少一考補納銀四十兩方
准收選

一廩增附生願加各官例照監生加納徑選
各官例分別監歷遞加銀數收選但就中
有原非廩附而捏稱者除取具文結
准發咨外仍移文提學院道覆查明白果
無假偽准其徑選

廉生加

文華殿中書徑題試職准差納銀二千六百七十

兩

武英殿中書徑題試職准差納銀二千一百七十

兩

光祿寺署丞苑馬寺監正鹽運司經歷州

判納銀九百七十兩

鴻臚寺署丞上林苑監署丞京縣主簿納

銀八百七十兩

鴻臚寺序班納銀四百六十兩按察司照
磨外府經歷納銀七百兩

營繕所所正京府經歷納銀九百九十兩
五城副兵馬布政司經歷鹽課司副提舉
都司經歷都司正所事納銀九百五十兩
五城兵馬司吏目外縣縣丞納銀七百五
十兩

按察司經歷州同知布政司正理問納銀
九百五十兩外縣主簿納銀六百五十兩

州縣自納銀六百兩

以上各官如舉廣生皆納比廩生各遞加銀七十兩附生各遞加銀一百四十兩書衣生各遞加銀一百八十兩查明送納

崇禎三年四月二十一日具

題本月二十三日奉

聖旨依議行欽此

題解宣大山西三鎮撫賞銀兩疏

題爲挿首借

貢挾逼包藏禍心謹陳萬分危迫之情伏乞

勅下廷議接濟以救危疆事案查先該臣部具題前
事內覆宣大山西三鎮撫賞緣繇崇禎二年三
月初九日奉

聖旨是這撫賞銀兩既經查明便着各該衙門速行
解發勿得分次耽延欽此又該臣部會同兵部題
前事內覆三鎮并邊賞完欠數目緣繇本年三

月十六日奉

聖旨補舊賞兩部完欠既經派明着卽指發以完
款局新賞春秋分發該督撫預行講警毋令併索
一時王象乾所定賞額與今數有異還着核查報
部永著爲例該衙門知道欽此又准兵部咨爲夷
情事稱據撫夷總兵王世忠塘報前事隨該兵
部題明舊賞尚欠八萬四百餘兩劄行罔寺先
措四萬兩解去緣繇本年四月十七日奉

聖旨撫插禦奴亦是權策其賞銀罔寺旣已解去餘

着戶部卽與措發欽此欽遵咨會到部臣等查得
揔首款塞羈糜宜亟在臣部該發遼鎮崇禎二
年舊賞九萬七千六百四十二兩五錢先是已
經全完矣在兵部該發崇禎二年舊賞銀一十
七萬五千四百八十三兩三錢除二次解過八
萬兩又臣部將遼賞引貸三萬兩內借撥兵部
舊賞一萬五千兩外兵部尚該八萬四百八十
三兩三錢前會題疏內已奉有揔首舊賞兩部
完欠既經派明着卽措發之

首是遼鎮舊賞已於臣部無涉卽兵部亦未嘗

臣部也然則

明旨着令本部措發者蓋爲宣大之舊賞而言耳

查宣大山西三鎮新舊兩賞共該銀二十五萬

二千有奇卽在年例餉銀之內亦備載臣等

會題疏中臣部於本年三月內題差本部主事

李士元解銀八萬兩四月內題差中書董繼

解銀二萬兩本部主事王國祚解銀四萬兩

書張國臣解銀四萬兩通共解過銀一十八萬

兩聽該督撫收貯爲三鎮撫賞之用尚欠七萬
二千一十一兩五錢六分二釐仰惟

功令有赫外解少充叩關方殷措輸敢後合無飭
太倉庫找發前銀七萬二千一十一兩零掄委
本部照磨萬鍊押解前往陽和軍門交割限五
月內到鎮仍聽督撫酌議分派三鎮承認具疏
報部於以襄

王會之盛典於以舒西顧之

聖懷在此舉也仍令一面兌銀卽一面戒行移咨兵

都給與應用勘合併乞

勅令該門放行其兵部未完邊賞合聽同寺速行指
發庶刻晷不稽而款貢早給矣臣等不勝悚息
待

命之至

崇禎三年四月二十六日具

題本月二十八日奉

聖旨這三鎮撫賞銀兩先後起解已完知道了行且
該門驗放欽此

題繳屯鹽 聖諭疏

題爲欽奉

聖諭事崇禎三年四月二十六日臣蒙

皇上召至

會極門該司禮監太監宋晉等傳奉

聖諭屯鹽二事屢經條陳屢奉嚴旨通未見效總因
事無專責人皆推諉且或舉行無法窒礙難施是
以申飭徒勤過眼便成陳迹已有旨着該部科諮
求心計考究確覈如何所奏猶然隱漫不甚明切

還着通將從前條議各疏及頒過明旨摘陳要
區畫便方要見何官可以專管何時可以考成何
地與何法相宜何計與何項相合須劃然明白使
知如何則行如何則不行如何是效如何是不效
不必務恢張而鮮實益不得憚更始而避解絃務
得真實着數至確至妥以便永遠通遵自今彙集
羣策酌定良規朕卽據以殿最各官且于爾部科
責諾課效一應紛紜條奏都無所用該部卽訂確
總議來看欽此欽遵接出到部該臣等看得屯鹽

二事爲

禪宗足國之上策萬世不易之良規乃今屯政非不舉也而肥饒每隱占於豪右鹽法非不行也而美利尚侵蝕於奸徒雖臣部履行申飭

明旨屢蒙

渙頒未幾而輒成故事矣正

聖諭所謂事無專責人皆推諉是以議論雖多終鮮實益今蒙

聖明矚念國計匱訕亟求屯鹽良法

命臣部諮求心計考究確覈蓋欲借著諸臣以自
部之不逮也敢不廣求博訪彙集羣策以仰
皇上宵旰於萬一手除臣等再行考究另

奏外所有原奉

聖諭一道理合具疏

進繳謹具題

知 崇禎三年四月二十七日具

題本月三十日奉

聖旨知道了欽此

請發二部事例輪月會收疏

題爲例款已蒙

允行會疏尚候

俞旨伏乞並

賜簡發以便恪遵事該臣等於三月二十四日題爲
酌議戶工事例條定選法規則以廣招徠以裕
國用事戶部山西清吏司工部虞衡清吏司會呈
案照先該戶部題爲遵奉

明旨條議理財足用之策等事等因崇禎三年正月

十九日奉

聖旨這條議六款該部還同該科參酌長便并有未盡事宜一併商確具奏欽此該工部題爲軍需軍分難緩等事本年二月初八日奉

聖旨這所請事例着酌議列款具奏定奪軍需緊要一切經費還查正項額解設法嚴催欽此又該工部題爲遵

旨酌議措餉未盡事宜事等因本年二月十七日奉聖旨南北關稅依議加額還立法嚴飭無令權司借

端生擾事例仍與吏部酌議選法速奏工部款項
分合并着商妥不必互執南部借過遼餉銀着行
補還該衙門知道欽此又該工部題爲軍需萬分
難緩等事本年二月二十五日奉

聖旨這開納事例還與吏戶二部酌定奏行欽此欽
遵臣等戶工二部堂屬各官隨於二月二十八

日會同太子太傅吏部尚書王永光吏科都給
事中陳良訓戶科給事中許世蓋裴君賜葛應
斗工科都給事中顧其仁右給事中顏繼祖巡

視太倉銀庫兵科給事中宋鳴梧稽察御史劉光沛齊集中
其國巡視廠庫監察御史劉光沛齊集中
時諸臣皆謂軍餉與軍需均居其急而戶部
工部並值其窮擬議分合未有定論續該工部
題爲軍需事例必不可不開等事本年三月初
三日奉

聖旨軍興事例已有旨着酌議商妥今仍爭執成何
商酌便着二部會議詳確合疏具奏若再爭執卽
以悞事論罪其選法并着吏部條定規則來看欽

此隨該戶工二部移咨吏部催取酌議條款以
便合疏具覆等因續准吏部咨稱戶工二部所
列款內欲去四款增入一款原送冊款下粘貼
浮簽咨送過部再聽斟酌開行等因伏思歸併
開納事例原藉以充九邊之軍餉而師旅方殷
則軍需併急目今援兵四集撻伐用張戶部常
惴惴焉懼有庚癸之呼而器甲城河等項取給
於工部者甚夥所望於援納一事者兩部蓋並
慇矣業蒙

聖明俞允併着二部公議詳確合疏具奏臣等恭維
明綸仰體

皇上德意嗣於本月初六日恭遇

皇上御門禮成臣等又復質之輔臣商之冢臣兩部
悉心計慮議以輪月會收照數公分僉謂妥便
蓋以事權不並操其苦不同嘗於事未免滯礙
未能永永行之而無弊也今特訂約入

告凡遇收納事之日太倉廠庫巡視科道并兩部
管庫司官齊集會收當下均分各得其半如該

戶部月分照舊山西司出帖部堂同事例堂移
容其銀在事例庫會收工部司官眼同登記倘
有不合例及隱漏銀兩情弊聽巡視太倉及巡
視廠庫衙門糾舉責在戶部如該工部月分卽
聽虞衡司出帖部堂移咨其銀在節慎庫會收
戶部司官眼同登記倘有不合例及隱漏銀兩
情弊聽巡視廠庫及巡視太倉衙門糾舉責在
工部庶彼此互爲關防而事例徹底清楚仍永
絕折納兌支之端至於季終

奏繳戶部聽戶部奉

勅總理事例待郎具奏工部徑自具奏蓋同舟共濟
兩部正自相關且

異命屢頒臣子何敢爭執天下之事乃

朝廷之事宜融人我畛域之見天下之財皆

朝廷之財當爲協恭和衷之圖條款經銓部刪定既
法在可行事例保家臣注念定倍加鼓舞每月

大選卽不盡用軍興軍需卽選各色而常十得

六七庶人情兢勸而樂爲輸納一切招徠激發

部題爲再訂事例條款等事奉

聖旨這開納事例項款屢經剛定依議行該部知道
欽此又該臣等題爲覆訂例款仰祈

聖裁以便開納事奉

聖旨依議行欽此欽遵臣等隨該會咨出示曉諭撥
納人員遵照

欽定例款着爲

功令聽其輸納卽臣等會議輪收平分等項載之
合疏中者業已久塵

御覽伏計併荷

欽依惟是前疏尚未

發下目今新例初開作何收分臣等未敢擅便謹合
詞再請伏惟

聖明勅下臣等遵奉施行

崇禎三年四月二十九日具

題五月初二日奉

聖旨二部事例輪月會收卽照奏內成議行前疏已
經刪改不必請發欽此

酌議徵解邊不得重累窮民疏

題爲催解幸有次第額徵宜遵畫一懇乞

特勅有司不得借口槩徵重困窮民以溥

皇仁以急正供事頃緣口徹突心捷伐伊始供億不
貲致塵

聖諭臣部趨爲虜患方殷匱乏無措請乞

亟勅差官守催以濟軍需事臣開各省直應解之數

自天啓六七年逋欠姑置惟就元年二年之欠

與三年應徵者求其那移湊解則省直諸臣亦

何詞於臣部哉以新餉言之元年加派則欠九萬一千六百一十五兩零二年加派則欠六萬二千六百六十餘兩三年預徵加派舊例春季先完三分今當軍興費繁之日應以五分爲準共應徵一百八十一萬九千餘兩又雜項銀兩元年則欠二十五萬七千一兩四錢二年則欠五十五萬一千一百餘兩三年共應徵三十九萬七千三百餘兩以京邊言之元年則欠三十一萬七千一百七十一兩零二年則欠一

百三十五萬九千二十八兩零三年亦以五分
爲率共應徵銀七十四萬八千二百四十三兩
零三年方在開徵亦當那解等因隨心奉有

俞旨已經立限差官守催訖疏又塵

御覽可覆視。但臣部所條列應催者元二兩年之
額解及三年現徵之五分也。夫兩年之額解承
平亦亟考成。恣詎容緩視此固歲事所應辦
者現年之五分舊餉較往日似駭爲創始新餉
較往日止多徵二分且時已麥秋卽半完常賦

亦非厲民况虜患剝膚其誰無同仇之誼忍斯
此維正之供也。是臣部所條列應催者實於崇
禎三年內求完京邊之一半。非強索於現年之
外也。第就現徵計完欠未暇爲壓徵計蚤晚也。
以山東催餉官太僕寺少卿呂維寧題稱除崇
禎三年分預徵銀二十四萬六千四百六十七
兩零例應隔年預派應於崇禎四年開徵隨該
臣部題覆如舊餉之壓徵災疲減等黃蠟折價
與新餉之坐派米銀支放登餉俱當聽其扣除

等因又河南催餉官太常寺少卿章光岳題稱
衛輝河南懷慶汝州別有壓徵之例相沿已久
茲乃責以預徵三年之半抵死難應未知將來
能得其併徵否等因此二臣者急公拮据每懷
靡及其於壓徵改現徵一節大費商確臣極知
其苦心豈容無說而處於臣查新餉止有江
西一省壓徵其餘皆係現徵舊餉壓徵地方較
之現徵地方稍多然臣前疏有那移措解一語
正謂壓徵之難法當於現年中通融之也蓋現

年中不無存留可緩之錢糧稍一通融那借便
可爲預解之地卽如河南山東壓徵州縣崇禎
三年應辦二年錢糧然按籍而稽則京邊不過
十分中之三耳卽以京邊五分而論不過十分
中之一分有半耳其它王糧驛遞河工倉糧廩
俸工食等項尚有十分之七也若於七分之中
那借一分有半以應壓徵之京邊不過一轉移
間而

國與民兩受其利實目前通變之徵權也卽曰錢

糧各有款項。那借事或難行。則通計一歲大糧。止徵一分有半。而五分之京邊完矣。若因預徵京邊之五分。而遂全徵大糧之五分。則京邊固解之。

京師矣。其它王糧驛遞河工倉糧廩俸工食等項。皆將置於何地。亦復一年而用二年乎。且山東河南二省京邊頗多。已稱不便。若江浙南直等處京邊原少。總計不當大糧一分。亦將全徵五分而後可乎。借不得不預徵之勢。浸假而并徵。

可緩之錢糧。徒以征繕剝百姓之脂膏。而以羨耗潤巧吏之囊橐。是臣部所鄭重而慎於一請者。郡邑且藉口而恣行無忌也。究令士紳駭顧蒼赤怨讟。必曰

朝廷何故一年而追年半之錢糧。究將二年而完三年之賦稅。民何以堪命乎。臣無所逃罪矣。臣於今日始爲此過慮也。案查崇禎二年十月二十日。該臣部題爲遼事捷伐方殷。冬春餉銀易斷。敬申明預徵舊例。以裕接濟。事內稱照依

往例將崇禎三年加派地畝銀兩預徵十分之三俱以文到之日爲始徵解接濟又聞省直遵行預徵調劑得法者固多而借口

功令混徵厲民者亦有心如預徵十分之三專爲每地一畝加派九厘之遼餉而設也乃州縣不加詳審并正項錢糧槩行預徵三分夫九邊匱乏臣豈不願蚤徵蚤解以救燃眉然民力有限竭澤難堪用一緩二乃爲可繼况乎開徵自早解部自遲敲骨吸髓僅以供本地工食雜支等

項之用可惜也。催徵不按定期，則小民不知年分。而在官寅拽卯糧之弊易生，可慮也。在相沿現徵者，止蚤徵數月，在相沿壓徵者，且蚤徵一年。倘壓徵預徵，并集一時，誅求更慘，可悲也。所當并行申飭者也。

聖旨來歲照例預徵，依限督催完解，亦不得派徵困民。欽此。欽遵在案。微臣仰體

皇上軫念民瘼之心，每思勉圖節用愛人之法，要當於催科中存撫字，原非廢撫字以催科。當此歲

罄反裘之時。倍切把憂。緜恤之念。伏乞

勅下各該撫按及奉差官員申諭州縣遵照原疏開
去款額。元二兩年。刻期完解。得短少一二三
年現徵地方。春夏先完京邊五分。秋冬全完。不
得詞推。諱現徵爲壓徵。其壓徵地方。今歲
止追五分之數。若能通融那解者。上也不則。卽
行預徵五分。亦適如其京邊之數而止。不得備
口一槩混徵。明年大糧。卽徑解邊糧。及兵工二
部錢糧。亦不在預徵之內。其預徵京邊五分。仍

俱竟至秋成於八月後報完。果有新餉壓徵者亦如之。若至明年秋月亦僅如今年五分之例而止。不惟非全徵大糧之十分亦併非全徵京邊之十分。於以定驚疑之衆志。而蘇民困於萬一。如故違者許該撫按及奉差官員不時叅奏。庶官方慎而民力存。旁實塞而正額裕矣。可等可任悚息待。

命之至等因。崇禎三年五月初一日具題。本月初四

日奉

奉旨這奏元二年欠糧都要依限全完三年見徵的
務完十分以春秋爲二限壓徵的預完五分如
京邊之數亦以八月爲期依議飭行如有混徵
催的叅來重處欽此

題欽奉 聖諭速發五月兵餉疏

題爲欽奉

聖諭事本年四月二十三日臣等蒙

皇上召至

文華門該司禮監太監宋晉等傳出

聖諭薊鎮應得五月分軍兵月餉着卽刻解發不許
遲延欽此欽遵恭接到部該臣等看得薊鎮控禦
狂奴保障

畿輔軍士月餉臣俱按月給發不敢稍有後時誠

重之也乃今復屢

聖慮命將五月兵餉立刻解發臣敢不仰遵

翼命毘勉從事以副

明綸於萬一乎及查薊鎮月餉在二月間據該鎮
呈請一切主客本折及召買運價之費共止八
萬五千耳後漸增至九萬今且至十萬矣茲五
月分應發該鎮新餉銀七萬五千兩舊餉銀二
萬五千兩共十萬兩卽於三十日劄庫發新餉
銀三萬兩差官王有功陳慶吉領解已出城

行矣復又劄庫發新餉銀四萬五千兩舊餉銀
二萬五千兩差官郝奎光喬栢林等領解擬於
初一日兌銀初二日戒行其新餉之不足者借
舊餉以補之務令刻期過發悉索兩庫之敝賦
以供數萬之軍食從茲

皇上一布徧兒悉成果腹我武大覺奮揚勦滅醜虜
恢復遵永當在指顧間也合將發過銀數具疏
恭報并將原奉

聖諭理合

進繳謹具題

知

崇禎三年五月初一日具

題本日奉

聖旨這奏發五月分薊餉知道了餉司蔣範化着速
往到任不必親候願効欽此

覆雲鎮援兵安家行糧并募造銀兩疏

題爲軍餉撫賞金急安家補給難緩乞

勅立發以濟燃眉需用事該巡撫大同地方都察院

右僉都御史臣張宗衡題前事內稱准兵部咨

先後七次共發過撫屬官軍一萬六千七十一

員名除兩掖營未領安家金潰回復去兵不論

外實在赴援官軍一萬四千六百四十四員名

每名各量給安家銀二兩通共借過本鎮各庫

撫賞馬價等項銀二萬九千二百八十八兩除

該撫帶來宣鎮買馬銀四千兩抵彌外仍請
敷銀二萬五千二百八十八兩又遊擊王邦政
等領軍三千三百二十六名行營宣麻因軍糧
缺乏每名借支月糧二錢共借過在城內知庫
銀六百六十五兩二錢原議月糧扣除今軍既
不返於誰坐扣金應請補等因奉

聖旨雲鎮軍需緊急這借抵未完銀兩金宣鎮庫借
速與補發該部知道欽此又該撫臣題爲精銳精
蓄俱空造募糴收無措乞

勅該部發銀十萬兩以廣招集以後儲糶以營器具
事內稱雲鎮入援之兵大半戰沒見存者不堪
衝鋒擬於遼陝等處山野草澤間招募練成節
制一旅以備不時之用第須厚給安家行糧及
積蓄糧草隨時賞犒打造軍器採辦物料置買
什物等件非十萬金不能十萬既給之後該撫
自認速速做實實做絕奴酋聲勢相倚之釁以
奠

神京於泰山四維之安等因奉

聖旨張宗衡所請募造銀兩著該部酌議具覆欽此
欽遵該臣等合兩疏而釋之當徵調之檄突至
一時悉索敝賦竟成師以出非撫臣精忠敏幹
恐未能辦且所借用過二萬五千有奇之銀皆
目前緊急款項安得不亟議抵補至於挿首過
處門庭卽陽就羈縻而陰實叵測撫臣直擬練
統一旅精兵如古背嵬之軍使人謂山猶可撼
近以制挿之死命遠以斷奴之聲聯約畧所費
僅十萬許於以盡殲伏莽而永杜漏卮安接

計當無有便於此者臣敢不爲之懇懇請命也
查天啓年間安家舊例曾經臣部給發諸凡招
募造作亦有仰給臣部者然彼時海內加派之
數實多

內帑金錢之發亦頻非盡臣部額設之軍餉也迄
於今而軍興日急中外俱匱矣近日薊門通昌
議募新兵五萬所需安家衣裳臣部尚不能辦
懼與關寧京薊月餉相防不免顧此失彼而又
能出緒餘以供雲中耶目今新舊二餉出入之

數計無日不徹

御覽即正額猶惴惴不敷又何能抵安家口糧而且
供募造也惟是撫臣疏稱應援之兵百不返一
此語的係實錄讀之堪泣凡戰沒潰逃者不知
已補伍否如其一時未經遞補卽有家屬似亦
不便多煩該鎮春夏二季年例容臣拮据解完
計此未補官軍其所剩扣何啻鉅萬於以抵充
安家行糧有餘裕矣合聽該撫自爲通融償還
者也至召募等項所需十萬金臣等再四思維

亟欲爲同舟之助委難爲無米之炊或待東事
稍平再行措處或令臣與兵工二部酌量分認
補濟一二不則綿力實不能辦非敢推却而坐
失勝筭耳抑臣更有請焉伏計奴酋闖入以來
如宣雲之應援者如永平遵化薊門之嬰鋒鏑
者皆十亡其四五未聞伍缺不補獨該撫臣拈
出臣固佩其公忠無隱因思未補月餉作何支
銷亦宜早有成說卽令一旦俱補亦係另用一
翻人當以入伍之日爲收糧之日判然與舊兵

爲二恐不得襲從前舊套動謂缺餉若干歲計
日日索迭欠無已時也是在督撫諸臣加之責
矣臣等可任悚息待

命之至

崇禎三年五月初九日具

題本月十二日奉

聖旨雲鎮缺兵額餉有無剝扣作何支銷著張宗衡
明白奏來所請募造銀兩還著該部酌給不得滋
誘欽此

關兵月餉速給設法陸運疏

題爲欽奉

聖諭事五月初九日戌時臣等在本衙門辦事恭奉
中使傳到

聖諭關兵應得月餉着作速給發不得刻延其折色
銀若可陸運便着設法星馳務得早濟軍前之用
該部還計議速行欽此欽遵該臣等看得關寧一
旅食餉最厚臣部竭蹶供億不敢少延非一日
矣自奴據北平運道梗塞萬不得已舍陸而海

數月以來外解隨到隨發然或不能卽達者
以茫茫水濱不得與海若爭衡或有至太沽而
候風者或有選船合幫而後出海者臣部所爲
憂心如焚遑遑不寧者也當此溽暑漸深正驅
除一大機括我

皇上睠焉東顧憐念征夫不啻已溺已饑臣等恭承
天語敢不悉索敝賦以壯撻伐之氣乎除運至天津
者飛檄星催并本色糧料一體轉運外數日以
來新餉解至甚稀僅搜括六萬兩以供軍前之

急需惟是海道紆迴日久難俟以望梅之時爲
投醪之計惟有如

聖諭所云設法陸運而已前三月間奉有

明旨曾議關寧陸運已而督撫諸臣其難其慎不敢
以金錢嘗試仍從海運邇者豐王開平設有重
兵雖灤州未復而呼吸可通合無將銀運至薊
州仍令督臣撥兵護送玉豐再遣的當官員通
知祖帥俾令撥兵前來迎取大都用車用鞘殊
覺重滯不若選驍將一員揀家丁百名每名携

銀二錠仍以精騎二百名護之晝則飛馳夜則
御枚每次便可運銀一萬兩如欲多運則總其
人數如無多人則增其次數蓋人心之不同有
如其面非親密信實者未能保其萬無一失耳
此銀徑自解運軍前不必經繇餉司仍移會閣
部令祖帥督同各營將官給散現在戰兵如祖
帥錢穀不肯經手或委府廳公同給散若銀入
餉司之庫則道里往返未免低徊時日且城堡
守兵皆須分散今但給發進取援兵寧取其少

母徒務多寧取其疾母致延緩似亦非失議也
此外於舊餉內再奏銀四萬兩仍從天津海運
至南海口交卸徑解閣部轉付祖帥作爲進兵
月餉庶水陸交馳而庚癸無虞矣倘卽

聖旨所謂早濟軍前之用者乎伏乞

勅下轉行總督祖帥一體遵行關寧幸甚臣部幸甚
謹將原奉

聖諭理合隨本

進繳

崇禎三年五月十一日具

題本月十二日奉

聖旨該部每報發餉多不如期卽到昨疏關餉在途者積至二十餘萬豈盡阻風全無照管這水陸土萬卽著設法運去毋得諉交薊督仍前往返耽延致悞軍事欽此

修書司官遴選補題疏

題爲修書需才正急司官缺額已多謹遴選補題
以速完

大典事竊照賦役一書在

朝廷爲經制在閭閻爲貢額

祖宗立法之初不知經幾籌畫俾上與下共守之而
不虞寔非舊也近據臺省諸臣後先建議而務
國綏黎實屢我

皇上宵旰之憂屢煩

明繪賞臣部查取兩直十三省賦役全書磨勘戒定
一以佐經費之匱乏一以清小民之輸輓則其
事亦竄宏鉅最繁難誠非一手足一耳目之勞
所能勝其任而愉快者業經臣部議令左右侍
郎各分省直督率纂修每侍郎下選委司官以
供執事如先題主事李楫徵吳起龍陳觀陽喻
思慥耿啓及題差後旋報丁憂朱家仕等六員
續題郎中間顧行員外劉維禎王嘉言宜繼選
林一柱主事并之偉陳振豪等七員皆擇一時

心計之臣可以効編摩而襄

令典者祇候各省直撫按將裁定全書如限報部方
便刻期磨勘耳不謂地方有遠近後先之不齊
款項有浮冗多寡之未一方在督催駁查而虜
信倏驚道途阻隔時日已踰半年止有福建廣
西二省全書裁定解到北直山東書僅半到河
南雖到中間差訛舛錯實煩查議而前日所題
司官如吳起龍元之偉奉

旨降調矣劉維禎耿啓改兵工兩部用矣閻顧行陞

黃州知府赴任矣以汗牛充棟之書極于頭緒
緒之瑣止責見在李縉徵等數員併力從事不
但耳目有限在各官有獨賢之苦竊恐時日以
曠在

鉅典有耽遲之虞非所以遵

嚴綸而速會計也今查得本部陝西司郎中張士良
廣西司郎中朱萬年福建司主事劉漢山東司
主事王珍錫廣西司主事馬習元或起家民社
遊亦於出納之間或精心錢穀持籌於多寡之

數精神周到徑路習熟可必其剔釐有効通變
宜民者也相應坐名題委分局任事以收繕修
未竟之功抑臣竊有請焉軍興以來臣部諸司
固皆拮据不遑卽賦役一書亦多駁查未到題
委不敷間以劄委各該司官其竭精殫力者固
有而玩日愒月者不無雖人情多好逸惡勞在
臣子當隨分盡職今後非真有公差者務須寅
入酉出日省月試蚤覩厥成臣部原題纂修司
屬周年之後完過二三省直効有成勞俸深者

卽與優轉俸淺者准與優差其怠事者卽以
簡繩之

功令原自炳若申飭寧托空言是在先後題委各
官宜共勗之集羣策而垂永圖

國計民生實嘉賴焉臣部與監視二臣且執全書
之遲速以論司官之殿最矣

崇禎三年五月十一日具

題本月十五日奉

聖旨是欽此

禁革開墾需索加耗弊習疏

題爲禁革開墾需索加耗弊習以飭漕規事照得漕糧爲

國家第一等大事而領運漕糧卽爲衛所第一件苦差掛額儲而違限期各運官降罰有差誠重之也若胥役作奸沿積習而爲額外之需索是又借運官以口實而正數且陰受其虧蝕矣該臣於經管漕糧司官及各開墾運役戒諭申儆不啻再三突於本年三月二十六日據天津餉

司主事樊維城稟稱津運京糧急如星火乃
州開壩等處每石加耗一升六合指留日夕
回其民船水手皆控地哀訴寧往運蘇不願運
通等因又據督運郎中喻思慥稟稱過壩耗米
每石一升計額算耗虧折不資等因該臣又面
詢催運郎中朱萬年亦曰有之名爲合子米是
真據此臣不覺詫異者久之不知此項名色起
自何時扣作何用明屬陋規亟當滌除當即嚴
行通糧廳查議釐革去後續據該廳郎中丁流

芳回稱京糧過壩每石委有合子米一升因漕糧抵壩例應出艙入袋中間風吹日曬不無折耗如到橋抽掣不敷致經紀賠苦業經倉漕兩院會議加增又該前任徐郎中呈明總督倉場張尚書將原加合子米仍照數入袋以備五閘盤抗折耗之費自萬曆四十五年迄今遵行已久似難議減惟津門原以平斛轉運應將合子米類算准作收數等因據此該臣等查得議單一一款起運京糧每石加米二斗五升除入厥尖

耗一斗一升二合外餘備曬揚虧折之數如交
納有剩仍歸運官從不聞有額外加耗之議也
規例森嚴非第衛所當恤亦所以防微漸導
祖制耳若因閘壩搬抗輒敢借名勒耗恣意侵費則
二斗五升之外剝船裝載亦當索耗到橋起卸
亦當索耗耗於何底前後俱不索耗而獨於閘
壩索耗何也且水運抵壩有耗其陸運入京者
又當於何處覓耗既云照數入袋矣則多寡俱
與經紀無涉而經紀人等又何必苦苦爭有無

也。據稱每石加米一升六合。則京糧二百餘萬。每歲便勒合子米三萬餘石。卽每石加米一升亦已二萬石矣。漕糧自省直來。粒粒辛苦。何堪此無名之需求。坐使爲大庾之漏卮乎。是皆事理之萬萬難通者也。卽曰銅弊積自有年。前人亦未驟更。而襲舛則養奸。破例則蠹漕。所當速行釐革。無容一息姑待者也。除運過米數。另查銷算。仍一面於關壩間。大張告示。立時禁革外。

伏乞

皇上

天語申飭痛革閩壩需索加耗嗣後敢有怙終不悛者容臣等嚴查叅處其於漕儲法紀未必無少裨矣

崇禎三年五月十二日具

題本月十四日奉

聖旨是壩閩索耗通行嚴禁有犯并該管司官究處爾部還速傳示去欽此

上傳漕糧臭爛成塊回奏疏

題爲欽奉

上傳事崇禎三年五月十七日該

內閣傳出奉

上傳聞得邇來漕糧有臭爛不堪腐成大塊的經管
司官竟徇隱不言卿等卽傳戶部速行查明據實
來奏仍着經管司官回將話來欽此仰見我

皇上留心漕務無微不至除卽刻行令經管司官另
行回話外該臣等查得去年凍阻漕糧業已次

第運入京通二倉祇有天津凍糧尚未運完且

部屢經申飭嚴禁揀和務求乾潔不啻再三

緣津門凍糧原係客冬搬運入城露處既久不

堪再經雨水今自遠道剝運而來兼以今幸新

運又復併集事屬更始一切苦蓋之法料理亦

備偶值十二十三兩日夜大雨如注但係爾等

船隻防護不周之處俱至腐爛不堪自贖心腹

良可惜也一時倉橋各司官亦既節次呈報到

臣該臣查議委係雨潦爲患只得書成各倉全

其分投曬晾無至不堪棄擲方在繕疏入

告聞乃煌煌

天語先已詰問之下及也卷查本月十三日據大通
橋主事王忠孝呈爲申報米色等事呈報樣米
到臣隨經臣批發遼餉道內開津門遠運煩費
而米色不堪睹之令人扼腕津門何不擇其佳
者入京留其不佳者以充別用也該道練達急
公可留意圖之無忽十四日又據南濟二倉主
事張堪呈爲津糧沍爛異常等事又經臣批津

米原多糠土又值雨濕宜其腐臭矣各倉俱有
津米該不獨該倉也其不堪漕米卽令經紀販
同晒場責令賠補十五日又據大通橋主事王
忠孝到部親自具呈爲糧米雨濕等事天津漕
米業經封樣呈報訖其十二十三兩日天雨淋
漓新舊糧船阻滯各閘蓆苫不全糧袋雨濕到
橋擊驗米俱濕漲臭爛不堪本職憂心如焚但
係于天時職亦無如之何除一面移會各倉重
加晒揚外擬合呈報作何酌議今將雨濕樣米

具呈伏乞照詳等因該臣面驗稷米粟米委有
發熱腐臭及結聚成塊者與本官商議良久又
經臣批據呈大遍橋共米一萬五千餘石漸已
腐朽奈何雲南司會同京糧廳速行分派五倉
各三千石作速轉運分投曬晾不必拘拘原坐
厥口也如有虧折從實另報各爲

國家起見毋相推諉仍申飭剝運員役以後運米
俱各留心苦蓋務保無虞歷案可查十六日又
經雲南司郎中楊應震京糧廳郎中寶星詣臣

回覆照數分派晒揚是此項濕米委係沿途備
逢暑雨所致查漕米轉運自河西務而抵通州
又自通州而抵大通橋中間倉卒遇雨苦蓋無
策實在自通入京之時其經管司官爲通廳那
中丁流芳株守一隅實有不能分身而四應者
臣部亦不能蚤救於未雨之先而思曲處於難
濕之後良非獲已然未嘗一刻敢爲疎忽也但

入

告稽遲致煩

聖慮則臣等之罪戾矣乃臣因是而思剝運之不可
不申做也粵自漕運稽遲每年頭幫俱於七八
月方到剝運多在冬春之間於時霜橫水涸雨
澤稀微故向來苫蓋之法漸疎而亦倖免濕爛
之患今幸

皇上令出惟行漕規漸復新運漕米收納應在夏月
多雨之時則沿途苫蓋之法不可不預爲講求
者查得漕糧入倉每二石額設蘆蓆一片以備
苫蓋之用官旗多於

京師就近買之而攜帶前來者鮮矣米入剝船之後若遇天雨誰爲苫蓋今宜責令於天津等處置買蘆蓆隨帶在船每遇剝運卽以蘆蓆隨之用備不虞此一法也內外河剝亦令每船各備蘆蓆十片俱於輕賚腳價銀內預支經紀船戶自行備辦與各官旗協力苫蓋此又一法也至大通橋陸運車戶蓆苫爲難但遇天雨不妨於神祠寺觀中暫時趨避而各號房處所仍應隨時修補以防濕漏倘有仍前遺玩致水濕米攪

者卽嚴查經管人役從重究處仍責令照數賠
償庶令肅而人畏備周而糧完亦漕運整理之
一端也伏承

上傳謹會同總督倉場尚書孫居相據實奏

聞伏候

聖明裁督臣等無任悚息待

命之至

崇禎三年五月十八日具

題本月二十一日奉

聖旨據稱二十三遇雨豈能驟腐成塊遷屍自彼
處已有情弊着嚴查根因具奏不得徇隱身來
許混收欽此

叅司官劉賜桂催餉徑歸疏

題爲司官催餉徑自歸里謹據實糾叅以肅政體
事粵自軍興以來兵餉殷繁司官寥落該臣等
於去年十二月初四日題奉

明旨將中城兵馬司指揮劉賜桂調陞臣部山西員
主事管理

朝陽東直二門各撥兵行糧等事竊見本官熱腸
偉幹事皆就理自幸本官不負所舉在臣等即
可借以共襄餉饋耳嗣於本年正月二十八日

又因道途驚阻外解馳還復將本官趨往徐州
濟寧一帶查催各該省直停滯餉銀去後至三
月初六日據本官冊報陸續共催解過劄關福
建南直等處解官通判孫弘翔運同李繼志等
併勸內未開太平等府山東等府解官劉憲奎
治世等共銀一百四萬四千八百二十一兩四
錢等因到部隨該臣部查算相同又幸本官不
負所差在臣等復可借以抹濟然眉矣但據本
官差役附投呈詞一紙開稱離家年久思親成

病見今催餉事竣欲比照銀差例過家省親等因到臣該臣查得本官之陞調爲軍興也暫借催餉匝月當還斷無回籍省親之理豈得自比銀差之例萬難准從速宜入京供職隨經批催去後滿望本官刻期回部管辦職業績於四月二十五日又據本官具呈爲懇恩寬假調理等事內稱職蒙題差前往濟寧沿途催餉已經星夜奔馳陸續催完赴部交納具冊報訖附呈給假便道歸省候批未到不敢徑行不料思深勞

極復作失血之症淋漓痛楚終日甚
日痊可無期又嘗途中僻曠醫藥難求不得已
暫開行延醫調治第病勢遷延恐延誤限肩
垂屬情其俯從寬假數月俟調理少愈卽趨
職等因到部據此該臣等看得臣子以身許
國行止唯

上所命耳

王事靡盬政移孝作忠之日也故臣部於解銀諸
且酌量遠近另定期限矣若王事劉賜桂固

借而非放陞者也又差催餉近郊而非解銀遠
塞者也暫出自當旋還報

命方稱終事安得以不相蒙之例謬自比擬而欲省
親於數千里之外乎文至卽批欲其旋轅而竟
長往閱第二次呈詞則似徑已歸里矣查據本
官呈冊催餉至一百餘萬雖與耽延悞事者不
同但未蒙批允不經題明輒自南還卽思親是
真患病近的情若可原但無此差規亦無此部
體恐不得不爲法受過也相應罰俸五月聊示

懲創仍計道里勒限本年八月以內回部供職
如再過期另行叅處庶功罪明而法紀彰於以
振玩集事無難矣

崇禎三年五月十八日具

題本月二十日奉

聖旨劉賜桂不候堂批徑自還里薄罰何足示懲著
勒限嚴催到部奏請定奪欽此

請責成京卿催完額餉疏

題爲用餉頭緒愈多外解供億不敷懇乞

聖明責成差出京卿一併催完以供軍興事項者虜
逼

都城外解中斷臣部不得已而以催餉

請仰荷

聖明遴選京卿重以舉劾之權事以人重其爲臣部
慮匱詘計接濟者不啻詳以切矣所幸

威靈有赫責令於初到地方十日之內先解三分一

時大吏震悚輪蹄輻輳有交納進庫者有星馳
在途者數月以來那東補西支撐目前不可謂
湊解之不如額也惟是額餉有限經費無窮關
寧積欠月餉尚以五六十萬計而他鎮之月餉
及一切軍與募援之費缺數尤多目今屢報捷
音樂永遵化次第恢復惟是聖人安不忘危有
備方可無患綢繆戶牖尚費收拾瘡痍窮民尤
須安輯矧當夏月暑雨之際奴孽雖爾驚伏轉
盼秋高馬肥之時逆賊保無鴟張萬一戎馬

馳兵餉不繼封疆之事安所措手臣每念至此
不覺心膽墜地日夜徬徨而計無所出也臣查
虜警漸遠之後自正月以至今日陸續解到新
餉通共一百八十九萬七千四百餘兩舊餉除
金花光祿各項錢糧外通共京邊八十一萬二
千二百餘兩似亦不少但新餉較之舊餉去冬
十月卽有預徵三分之疏况重以京卿之督催
豈其僅僅以三分報也各省直州縣多先徵邊
餉而後比京邊但有因援兵安家行糧而恣意

已銷者亦有徵收在庫而州縣有司私自那用起解到司府而司府通融那解者目今京卿現在督催猶不克先期起解倘京卿報

命之後在撫按藩臬郡邑一片精神俱料理地方場屋

大計事宜臣部卽舌敝顏禿方將視爲故紙束之高閣以揖讓笑談之狀爲救焚拯溺之舉俟其徐來待其自至又何救於緩急之數乎夫臣部前疏題催五分者良以時在正月不便遽索一歲

之餉先冀得些須稍救目前耳而今非其時矣
一切關寧并薊昌等鎮額兵援兵及新募之兵
新舊二餉紛至而環索於臣部臣部此時如貧
兒負債應接不暇雖蠶陵評詎弗辭也今之不
足方有待於後而後之不足恐愈甚於前萬一
有誤軍旅之事則臣罪不可贖矣竊念錢糧多
催一分便濟一分之用蚤解一刻便救一刻之
急臣此時心熱如焚望眼欲穿計非責成卿寺
諸臣全催通完不可前見奉差卿寺諸臣聞

命星馳不遑起處以彼資深望重正我

皇上股肱喉舌之司廼復勞以終歲馳驅臣竊不安
於心但莫非

王事誼在同仇想亦諸臣所不靳也且以天時考之
序入仲夏江南繭絲告成江北二麥已熟正小
民財力少紓之時亦

國課喫緊輸將之日也前雖定有復

命限期今欲責令催督全完則限期似有不容於不
寬者查原催節年新餉雜項鹽課等項并見年

額定五分共該三百九十六萬五千八百餘兩
今完解一百九十五萬七千九百三十四兩零
其未完者尚該二百萬七千九百七兩零今續
完五分共該二百四十餘萬原催節年舊餉京
邊鹽課等項并見年額定五分共該銀三百四
十三萬一千九百餘兩今完解一百六十萬七
千八百餘兩其未完者尚該一百八十二萬四
千一百餘兩內除壓徵量減一半尚該銀八十
五萬五千四百餘兩如山東河南山西陝西俱

限八月終爲期南直浙江福建江西湖廣廣東
俱限十月終爲期不拘見徵帶徵新餉通完九
分以上舊餉通完八分以上准令京卿出境報
命還

朝若能蚤完出境者聽其餘未完新餉一分舊餉
二分務於年前通完齋捧及

大計官俱行造冊赴部銷筭非臣部敢以此苦省直
又以此苦京卿也蓋邊陲望臣部之供億而臣
部復望各省之輸將同舟共濟此臣部所爲憊

倦而不能已耳至於守催京卿諸臣胼胝不辭
賢勞倍常事竣之日計必特承

天寵破格陞擢斯亦鼓舞激勵之微權也臣繕疏已
完聞各省催餉京卿已有事竣出境者想拘於
原題五分之數也未已出不可以後入則當責
成撫按遵照今題如限完解其餘未出境者自
不得_不照新例以從事矣伏乞

勅下臣部行文各該衙門遵奉施行

崇禎三年五月十九日具

題本月二十二日奉

聖旨歲解餉銀責在有司各該撫按嚴限責成自應
及額京卿係暫遣不必議留以後催徵如有延悞
經管官必罪不宥欽此

覆科巨祝世美逆產入官興屯課租疏

題爲

聖武揚威普天同慶乘恢復之後亟修未雨之謀以
固

金甌事崇禎三年五月二十一日奉

御前發下紅本該吏科給事中祝世美題前事等因
奉

聖旨這條奏關切時務叛逆田產地方官作何稽查
該部并與覆行前疏仍候簡發欽此欽遵到部除

修邊牆選夜役衛津門等款聽兵工二部另行
覆

請外所有奏糧餉以飽士卒一欵相應遵

旨摘覆該臣等看得自逆奴匪茹而遵永灤遷之區
幾爲腥羶所遍汗矣仰賴我

皇上天威遐邇迅掃於數日之間真科臣所謂以守
成兼創業者也惟是版圖如故人民半非叛正
者旣罪孽通天而觸逆者又肝腦塗地遺下房
屋地畝端不可以數計籍查不蚤則隱占可虞

清理無法則虛冒滋甚合行總督撫按衙門轉
行該道府州縣多張告示招撫流移除見在復
業者照數給還不待言矣其餘士民之家或殺
擄死絕無人管業或逃竄遠方一時不能猝歸
至於叛賊白養粹崔及第賈惟鑰馬思恭李致
和等率多田連阡陌素稱膏腴合將所遺房屋
田產逐一清查分別等則段落限半月內據實
奏

聞仍造清冊報部要見叛逆某人房幾所地若干畝

被殺某人房幾所地若干畝在逃某人房幾所
地若干畝各坐落何處明開四至編立字號除
房屋從容變價入官在逃人戶俟復業另議外
餘存地畝或先經本戶耕種或續經逆虜耕種
其見在禾黍之油油者候秋成收穫補湊軍糧
應用就中但係荒蕪田園趁此暑月長養之時
責令佐領職官及世襲武弁督同殷實人戶速
募傭趁工役相機播種不拘黍豆菽麥但足備
擔石之儲亦孰非飽騰之助庶不負科臣先事

之極思桑土之綢繆耳但此特目前暫行之策
非異日長便之策也嗣後或責成將士俾分
而作屯或轉付居民俾按畝而科租務期有益
於上無損於下方稱良圖是又該在督撫道府
熟計其便而非臣部所能遙度者耳既經科臣
條議前來相應覆

請恭候

命下臣部行文各衙門一體遵奉施行

崇禎三年五月二十四日具

題本月二十六日奉

聖旨依議逆產盡查入官係逃故的另行區處還須
清稽有法毋漏毋擾募種荒蕪興屯課租等事都
著該督撫按熟計行仍勒限核冊具奏欽此